

南潯志卷五

里人周慶雲纂

衢巷

東柵上塘 自清風橋東堍向東為大街經大橋北堍又東至董宗伯第前又東至通判署前俗稱三府前又東經官房街南口又東經新橋北堍又東經混堂街南口又東踰東弔橋為百間樓口又東經沈家街南口至晏公廟前又東至董宗伯祠前又東至總管堂前又東沿塘路至極樂庵前

東柵下塘 自大橋南堍向東至看牆頭即宗伯第隔河照牆經看牆街

北口又東踰留嬰橋為船場浜口又東踰醬園橋為皇御河

口又東至董進士祠前俗稱牌樓前又東踰三板橋為倉潭口又

南潯志

卷五

衢巷

東經新橋南堍又東至馬家匯迤南為馬家港口又東踰馬家橋迤北又東至石鋪里又東踰三楊畝橋為船廠頭四牌樓前又東至撞塘壩

西柵上塘 自清風橋西堍向西為壽星街又西為務前經西莊家街南口又西經石家街南口又西經垂虹橋北堍踰西弔橋又西經妙境小街南口又西經妙境大街南口又西至祇園寺前又西沿塘路達三里橋

邢典潯西 苔水西來白似雲市梢風景絕塵氛祇園鐵冷唐時佛仁福碑殘宋代墳一片平疇宜稻麥幾回散步看耕耘浮塵擾擾緣何事弁嶺常青日易曛

西柵下塘 自泰安橋西堍迤北向西為姚家匯又西為紀家

壩口南通紀家壩西 踰豐年橋又西為米廊下又西經垂虹

橋南塊南通倉橋及鳳凰池 又西踰沐鳳橋為樹行埭又西至三官堂

前又西至大士庵前

南柵市河東岸 自大橋南塊迤西向南為大橋灣又南經泰

安橋東塊又南為絲行埭又南經便民橋東塊蛤蜊街西口

又南踰東交界壩橋沿河向東為年家廊下一作廿 又南踰

定心橋至張王廟前經張王廟橋東塊又南經花園街西口

又南經興福橋東塊又南經蓮界街西口又南經餘祥街西

口又南經華家橋東塊東華家街西口又南踰鳳凰橋沿河向東

堂通土地 又南經南安橋東塊東南安街西口又南踰醋坊橋

南塊沿河向東踰師古橋通渡船頭北 又南經南新橋東塊

南潯志

卷五

衢巷

二

又南踰黃楊橋東通黃 為戲臺頭即總管堂 又南至百老橋

南柵市河西岸 自泰安橋西塊向南經陶家街東口又南為

南白場又南經便民橋西塊又南踰西交界壩橋西通城 又

南經張王廟橋西塊觀音街東口又南踰夢華橋為秤錘潭

口西通簾里及補船村 又南經興福橋西塊又南為新開河口西通新

踰鷓鴣橋又南經華家橋西塊西華家街東口又南踰蔣家

橋又南經蔣家街東口又南經南安橋西塊西南安街東口

又南至南新橋西塊又南至總管堂前踰蘇露橋又南接簡

五塘

北柵市河東岸 自清風橋東塊向北為爆場街又北踰天帶

橋為後河口又北經太平橋東塊又北經鹽店橋東塊又北

至柵椿橋東堍迤東爲百間樓口又北踰蓮界橋至葫蘆白

場南北通下壩迤西又北至姚家匯北新橋東堍踰北新橋向北至竹篠匯向南

至潯溪橋

施國祁遊北郊詫友人塵腥鬧厭若徘徊訪舊郊原月幾

同車駕雙橋塘上路郊外西南北兩車駕橋東去留下村約一里西去上林村約十里南去

康王寺約七里皆因宋高宗南渡附會之說塔池七級水中隈郊外北新橋北西岸水際有七

池如臥塔形 劉公野廟尋碑去柵外東岸宋劉宰祠俗名莽將堂董氏花墳下

馬來又董墳俗名老墳灘有梅花數十株今亡惟二翁仲尚存最好斜陽迤北望洞庭

金碧畫圖開

北柵市河西岸 自清風橋西堍向北經南莊家街東口又北

經太平橋西堍北莊家街東口又北踰圓通橋爲唐家兜口

南潯志

卷五

衢巷

三

又北經鹽店橋西堍又北至柵椿橋西堍轉西過新木橋爲

北小圩北通北新橋稍西通又新橋沿河成市皆同治後所

闢

百間樓東北岸 自蓮界橋北堍向東迤南經少年街口又南

經醬園街口又南經長板橋東堍又南爲洗粉兜口踰朱家

板橋又南至東弔橋東堍

董載昌潯溪竹枝詞垂楊踈地掩清秋長板橋頭水自流

分付哀絲與豪竹夜深吹徧百間樓樂工多居此

百間樓西南岸 自蓮界橋南堍向東迤南經煤矢街口又南

經柴場街口又南經長板橋西堍又南爲後河栲栳灣口踰

聞濤橋迤東又南接混堂街

馬家港西岸 自馬家橋西堍向南至東藏寺前又南經明德橋西堍又南踰長生橋達城隍廟前

馬家港東岸 自馬家橋東堍向南經北小兜口踰木橋又南經朱少師第前又南經南小兜口東通 范莊踰木橋又南至明德橋東堍又南迤東達孫家壩

後河北岸 自天帶橋北堍向東經藕湖橋北堍煤矢街口又東經柴場街口又東轉南為栲栳灣經官房橋東堍轉東至聞濤橋北堍

永安橋港東岸 自西弔橋東堍向北經小弔橋東堍又北經牛棚長壽二街口又北至永安橋東堍踰永安橋向西 通妙境庵兜轉東即西木行

南潯志

卷五

衢巷

四

大街 即東柵上塘東至新橋聞濤閣前西至清風橋

壽星街 即西柵上塘東至清風橋西至務前

爆場街 即北市河東岸南至清風橋北至天帶橋

東通津坊 在大橋東首大街

西通津坊 在大橋西首大街

寶善坊 在爆場街之中其街名改爆場為寶善即以名其坊

按以上三坊光緒十二年十二月大街大火後建設公牆三處上題坊名

大船坊 在北柵外悚五圩

務前 即西柵上塘壽星街西元明設稅務處

董恂潯溪棹歌監鎮衙空驛館遷前朝遺制渺寒煙已無

酒醋茶油課猶聽行人問務前

董攀龍潯溪竹枝詞坊指文奎近石街酒樓高聳下懸牌

宋朝稅務今時廢且飲錢樓酒暢懷即今務前

絲行埭 卽南市河東岸南至東交界壩橋北至泰安橋

樹行埭 卽西柵下塘東至沐鳳橋西盡西柵

西木行 東至北柵柵樁橋西至西柵永安橋

米廊下 卽西柵下塘東至豐年橋西至垂虹橋俗呼米棚下

張鎮潯溪漁唱纔聽三春布穀鳴又過八月穫香秔年來

杵臼村村鬧贏得冬舂入米棚

董蠡舟潯溪棹歌雞缸壇盞樣能傳雨過天青傅彩鮮欲

共東皇鬪顏色賣花船泊米廊前米廊下賣瓷器者列肆焉吳中賣花者至輒聚

此汪志按乾隆以前此地米市最盛故得此名吳下花船泊百間樓及馬家港今則但有瓷器列肆米市移于西

南潯志

卷五

衢巷

五

木行而賣花船多泊于此矣慶雲接近則瓷器已無列肆賣花船亦移泊廣惠橋上塘

官房街 南通大街北通官房橋

混堂街 南通新橋北通聞濤橋

沈家街 南通東柵北通洗粉兜

少年街 西南通百間樓東北通洗粉兜俗名燒銀街

醬園街 西南通百間樓

煤矢街 東北通百間樓南通後河頭街內有煤山按煤山今廢

柴場街 東北通百間樓南通後河頭

看牆街 北通看牆頭東南通船場浜

倉潭街 北通倉潭南通蓮溪

莊家街 東口二並通北柵偏北為北莊家街偏南為南莊家

街南口通西柵爲西莊家街一作臧家街

石家街 本名石街巷南通西柵北通唐家兜

汪志按舊傳唐陸龜蒙鬪鴨欄

處無據

牛棚街 西通永安橋東通唐家兜

長壽街 西通永安橋

妙境街 一名大街南通西柵東通妙境橋

妙境小街 南通西柵北通妙境木橋

金雞街 南通紀家壩北通鳳凰池

汪志按或云此係向時紀氏私街舊金雞街實在南

柵鳳凰橋南近年已塞斷今以紀汝霖嚙覺集爲據

蛤蚧街 西通南柵東通巡檢司署後溪上

汪志按地名溪上而實無溪或云向

有吳氏自爛溪遷此人稱溪上吳家遂并地名亦僑立焉或云舊時薛家漾較大于此地濱漾故名

南潯志

卷五 衢巷

六

司前街 在巡檢司署右南通會際橋北通溪上

花園街 西通南柵東踰花園橋通城隍廟前以街內有夏家

園得名

按汪志作以華氏小桃源園得名譌

蓮界街 西通南柵東通寓園前

餘祥街 西通南柵東通土地堂前俗名皮匠街

東華家街 一名通利街西通南柵東通土地堂前

東南安街 西通南柵東通太君堂前

陶家街 東通南柵西通白鵬兜

觀音街 東通南柵西通補船村鰲里及城壕

西華家街 東通南柵西通萬古橋及長生寺前

蔣家街 東通南柵西通麻皮兜

姚家術 東通南柵西通糴糠兜或卽汪志所載西南安術

洗粉兜 西通百間樓東通大幹字圩一作西芬兜一作西分

兜

汪志按舊志云西施洗妝于此附會無據增修十景有洗粉花香

邢典南林雜詠西分兜不見詩人久歌傳十二紅西分兜

水潔還與昔年同

華家兜 在南柵報國寺西南宋華文勝居此得名一在西柵

外糟三圩

唐家兜 東通北柵西通石家牛棚二術一在南柵外要二圩

妙境庵兜 南通西柵東通永安橋西爲妙境白場

董恂重過妙境場一渠新水遶孤村疎竹圍環隱寺門回

首舊遊無限意夕陽芳草黯銷魂

南潯志

卷五

衢巷

七

白鷗兜 東通陶家術西北通楊家橋南爲徐家漾一作白雁

兜

董燠歸潯溪卽事家臨紅蓼白蘋間枕藉清流月一灣風

雨刺船緣底事勞生輸與白鷗閒

屋後兜名白鷗

又白鷗兜都無三徑能延客但有清溪可漱流魚婢蟹奴

緣底事也來分我白鷗兜

董載昌潯溪竹枝詞一樹櫻櫚兩板扉浣衣穩坐釣魚磯

妾家白雁兜前住空見年年白雁飛

董蠡舟潯溪棹歌已覺蠶塵遠市闌小橋通處水彎環雪

塘艤艇飼花鴨月夜開籠放白鷗

冬日販鴨船悉泊于此

周慶森白鷗兜誰家愛住白鷗西清美堂開綠繞谿不信

也遭文字獄雕梁空有燕銜泥

朱佑明宅因購朱文肅家清美堂舊額遂定識入官

三楊畝兜 在東柵懼二圩

船場浜 北通東柵西通看牆街一作船長浜

栲栳灣 在北柵通東柵後河曲處居民多以製栲栳爲業

董恂潯溪棹歌折得楊枝又柳枝生涯十指强支持移家

栲栳灣中好聽唱迴波舊日詞

大橋灣 在通津橋西十字港東南

范莊灣 在馬家港東南

東塔灣 在東柵外運河爲分水墩所阻分瀉兩旁得此名一

作東瀨灣一作三瀨灣

范鍇潯溪紀事詩風信吹殘柳絮飄一聲離笛客魂銷塔

南潯志

卷五

衢巷

八

灣東去迢迢水直到松陵第幾橋

董蠡舟潯溪棹歌東瀨灣東鴨背停際天煙水曉冥冥棹

歌聽唱江南好滿樹流鶯半邏亭

半邏亭在鎮東六里震澤縣界

北小圩 在北柵一百六十三莊本爲荒地無民居咸同之間

粵匪踞鎮北柵中市悉被焚燬北小圩出柵口甚近商民搭

蘆棚設肆有張姓盡得其地亂後改建瓦屋復於萬善庵下

岸建木橋以通行人屢舍櫛比久成市集

初張氏築新木橋時里人嫉之訟諸

官交爭不已當道以便民爲是乃令張氏捐助公益允其建築定案

竹篠匯 在北柵北新橋西北

北姚家匯 在北柵北新橋東南

南姚家匯 在泰安橋西十字港西南

馬家匯 在馬家港西洪濟橋東

竹園匯 在南柵醋坊橋東竹園港

梅花渡 在補船村有梅花數十株今廢

蜆子灘 在南柵蘇露橋西

張鎮潯溪漁唱環溪南畔半浮家蜆子灘頭一徑賒日暮

眾船齊泊岸漁燈點點隔蘆花

姚家灘 在北柵彩虹橋西沿灘多泊釣艇

老墳灘 在北十字港東北董氏墓前

范鍇潯溪竹枝詞春風酒榼好追歡幾樹梅花破小寒翁

仲無言啼鳥寂夕陽流水老墳灘

俞家滸 在垂虹橋南紀家壩北

南潯志

卷五

衢巷

九

撞塘壩 在東柵外運河南岸烏程震澤東西分界

東壩 在西柵外運河南岸

西壩 在西柵外運河南岸

紀家壩 西通西莊村東北通豐年橋

孫家壩 在范莊灣東南西通九曲里

上壩 卽彩虹橋西通姚家灘東南通竹篠匯

下壩 一名穀豐村南通葫蘆白場北通箬帽橋

南壩 在北柵外古漚港西

北壩 在北柵外古漚港西

分鄉瑾 一在東柵外極樂庵西爲江浙分界處瑾西屬烏程

恒字一圩瑾東屬震澤大幹字圩舊有石樹荻塘表界今無

存一在西柵外胡家兜北南潯與謝村兩鄉東西分界處一
在西柵外東莊港一在鎮西南牒二圩一在鎮西南厭二圩
馬要與南潯兩鄉分界處一在南柵外大圩兜底至河水兜
底東爲江蘇吳江縣界一在南柵外簡五圩一在南柵外鬪
牛壩簡一圩東爲江浙兩省東西分界一在南柵外南社兜
烏鎮南潯兩鄉分界處

灣灣瑾 在西柵外東糠五圩爲南潯與謝村兩鄉分界處

糠三瑾 在西柵外糠三圩十里橋西